

## **2021EKO OTSAILAREN 16AN UDALBATZARRAK EGINDAKO OHIZKO BILKURAREN AKTA.**

Udaletxeko Bilkura Aretoan, idazpuruko eguneko arratsaldeko seiak eta hogeita hamar minutu direnean, Alkateak deituta eta lehen deialdian, Udalbatzarra elkartzen da, jarraian adierazten gai zerrendarekin ohizko bilkura egiteko:

- 1.- AURREKO BILKUREN AKTEN ONARPENA (2021EKO URTARRILAREN 26KO BILKURAREN AKTA).
- 2.- BEASAINGO ODOLKI KOFRADIAREKIN ADOSTUTAKO HITZARMENAREN ONARPENA
- 3.- ALKATETZAREN ERABAKIAK.
- 4.- GALDE ERANTZUNAK.

### **ETORRITAKO UDALBATZARKIDEAK:**

#### **ALKATE-LEHENDAKARIA**

Joseba Izagirre Arozena jn. (Zegama Lantzen).

#### **ZINEGOTZIAK**

Izaskun Igoa Arizcorreta and. (Zegama Lantzen).  
Ibon Zabaleta Urbizu jn. (Zegama Lantzen).  
Iñaki Xabier Albizu Ormazabal jn. (Zegama Lantzen)  
Julian Iraola Lapizondo jn. (Zegama Lantzen).  
Imanol Garmendia Iruretagoiena jn. (EH Bildu).  
Iosune Azurmendi Telleria and. (EH Bildu).  
Jose Luis Azurmendi Larrea jn. (EH Bildu).

### **EZ ETORRITAKO UDALBATZARKIDEAK:**

Aritz Agirre Garikano jn. (EH Bildu).

Idazkaria, Igor Alustiza San Vicente.

## **1.- AURREKO BILKUREN AKTEN ONARPENA (2021EKO URTARRILAREN 26KO BILKURAREN AKTA).**

Idazkariak adierazten du ez dela 2021eko urtarrilaren 26ko aktaren banaketa bideratu, eta horrenbestez, bilkurakideak, aho batez, gaia mahai gainean uztea adosten dute.

## **2.- BEASAINGO ODOLKI KOFRADIAREKIN ADOSTUTAKO HITZARMENAREN ONARPENA**

Alkateak adierazten du, Udalbatzarrak 2020ko urtarrilaren 21ean hartutako erabakian, San Martin eguneko ospakizunak antolatzeke, "Beasaingo Odolki Kofradia"-rekin adostutako

hitzarmenaren onarpenari buruzkoa, bertan jasotako datatan akats batzuk zeudela.

Horrenbestez, erabaki hori eta adierazitako hitzarmena honakoaren arabera zuzentzea proposatzen da:

“Alde batetik, Beasaingo Odolki Kofradia, xxx zenbakiko NA duen Martin Urkiola Asurmendi jaunak ordezkaturata.

Bestetik, xxx zenbakiko NA duen Joseba Izagirre Arozena jauna, Zegamako Udalaren ordezkari moduan eta bertako Alkate moduan.

Bi aldeek hitzarmen hau egiteko gaitasuna dute eta

### ADIERAZI DUTE

**LEHENENGO.** Parte hartzaileek azoka jarduerak eta gastronomia jarduerak antolatu dituzte aurreko urteetan gutxienez azaroko asteburuetako egunen batean (larunbatean).

**BIGARRENA.** Aurreko hamar urteetan, azoka jarduerak 2012ko apirilaren 1ean sinatutako hitzarmenaren arabera burutu dira, jarduerak data berean izatea ekiditeko, hedabideetan horien zabalkundea errazteko eta bide batez, bisitarien eta ferietako saltzaileen sakabanatzea saihesteko.

**HIRUGARRENA.** Entitate antolatzaileak tradizio eta komenentziazko irizpideetan oinarrituta jarduera orain arte izan den erreferentzia data mantentzeko joera duenez, beharrezkotzat jotzen da datozen urteetako azaroko larunbatak banatu ahal izateko adostasun batera iritea. Horrela, entitate bakoitza jarduerak antolatzera bakarrik mugatuko da, izan ere, berak badaki sinatutako entitateen aldetik ez dela interferentziarik izango.

**LAUGARRENA.** San Martin egunak (azaroren 11) ordezkaturako bi ordezkariak burutu behar dituzten jarduerak antolatzeko jaiegun eredia ezartzen dute.

Azaldutakoa kontuan hartuta,

### ERABAKI DUTE

1.- Bi entitateek adostuta erreferentzia urteetan azaroan izango diren ospakizun egunak zehaztea.

	2021	2022	2023	2024	2025	2026	2027	2028	2029	2030
San Martin Feria-Zegamako Udala	13	12	11	9	15	14	13	11	10	9
Beasaingo Odolki Lehiaketa-Beasaingo Odolki Kofradia	7	6	5	3	9	8	7	5	4	3

2.- Zehaztutako data horiek bi entitateen organo eskudunek berretsi egin beharko dituzte.

3.- Hitzarmen hau indarrean egongo da 10 urtetan. Epe hori bukatzean (2030ko abenduan) Zegamako Udalak beste zirriborro bat egingo du eta beste aldeari erakutsiko dio eztabaidatu ahal izateko.

4.-Sinatu duten entitateek zehaztutako datak errespetatzeko konpromisoa hartzen dute,eta jarduera hemen zehaztutako datak ez diren beste data batzuetara aldatzeko edo bertan behera uzteko asmoa balego,beste aldeari horren berri sei hilabete aurretik emateko konpromisoa ere hartzen dute.

5.-Era berean,entitateak saiatuko dira jarduera burutzeko zehaztutako aurreko astea eta esleipen hartzailearen hedabideen erabilera errespetatzen,tokiko hedabideetan izan ezik, beraietan interferitu gabe.”

Hitzarmena aztertu eta eztabaidatu ondoren, Udalbatzarrak, etorritako Zegama Lantzen bost ordezkarien eta EH Bildu taldeko hiru ordezkarien aldeko botoekin, aho batez, honako hau erabakitzen du:

Lehen.- Adierazi denaren arabera, Zegamako Udalaren eta Beasaingo Odolki Kofradiaren arteko hitzarmena onartzea.

Bigarrena.- Udal honetako Alkate-Lehendakariari, Zegamako Udalaren ordezkari eta izenean adierazitako hitzarmena sinatzeko aginpidea ematea.”

### **3.- ALKATETZAREN ERABAKIAK.**

Idazkariak, azkeneko ohiko bilkuratik, Alkateak hartutako ebazpenen berri ematen du:

- 011/0121 erabakia, urtarrilaren 26koa, udal zergen egutegi fiskala onartzeari buruzkoa.
- 012/0121 erabakia, urtarrilaren 29koa, Berri Lantegia S.L. enpresari elurra kentzeko palaren eta gatza botatzeko tresnaren hornidura, kontratu txikien prozedura erabiliz.
- 01/0221 erabakia, otsailaren 2koa, lursailak bereizteko baimena emanaz.
- 02/0221 erabakia, otsailaren 4koa, 3 zenbakidun fakturen erlazioa (otsaila), guztira 4.977,78 euro, onartuz.
- 03/0221 erabakia, otsailaren 5koa, 4/2020 kreditu aldaketa kontabilizatzeari buruzkoa.
- 04/0221 erabakia, otsailaren 8koa, asteroko azokan saltzen dutenei baimena bideratzeko eskaerari buruzkoa.
- 05/0221 erabakia, otsailaren 9koa, zenbait elkarteei diru-laguntzak ordaintzeari buruzkoa.
- 06/0221 erabakia, otsailaren 10ekoa, hutsik dagoen Idazkari-Kontuhartzaile postua betetzeko berarizko oinarriak onartzeari buruzkoa, Foru Aldundiari jakinaraziz.
- 07/0221 erabakia, otsailaren 16koa, 39 zenbakidun fakturen erlazioa (2020ko fakturak), guztira 12.821,34 euro, onartuz.
- 08/0221 erabakia, otsailaren 16koa, etxebizitzan lan baimena emateari buruzkoa.
- 09/0221 erabakia, otsailaren 16koa, etxebizitzan lan baimena emateari buruzkoa.
- 010/0221 erabakia, otsailaren 16koa, etxebizitzan lan baimena emateari buruzkoa.

- 011/0221 erabakia, otsailaren 16koa, etxebizitzan lan baimena emateari buruzkoa.
- 012/0221 erabakia, otsailaren 16koa, Foru Aldundiko Kontratazio Zentralak bideratutako telefono zerbitzuen esparru akordiora atxikitzeari buruzkoa.

#### **4.- GALDE ERANTZUNAK.**

Ez dira egiten.

Aztertzeke gai gehiago ez dagoenez, hasieran aipatutako eguneko seiak eta berrogeita hamabost minutu direnean Alkateak bilkurari amaiera ematen dio, esandakoa jasoarazteko, nik egiaztatutako eta Alkateak sinaturiko akta hau egiten dudalarik.

##### **Eginbidea.**

Aurrean transkribaturiko akta, ..... orri dituela jasotzeko, zenbakidun paperan ..... zenbakitik ..... zenbakira eta Udalak emandako zenbakietan, ..... zenbakitik ..... zenbakira jasota geratu delarik.

Zegama, 2021eko .....k .....

**O.E./ VºBº**  
**ALKATEAK/EL ALCALDE**

##### **Diligencia.**

Para hacer constar que el acta que antecede tiene ..... folios, numerados del ..... al ..... en número de papel timbrado y del ..... al ..... en numeración dada por el Ayuntamiento.

Zegama a ..... de ..... de 2021.

**IDAZKARIAK/ EL SECRETARIO**